



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliarvm Omnivm Generalivm Et Provincialivm Collectio Regia**

Ab anno DCCCLXXII. ad annum DCCCCIX.

**Parisiis, 1644**

Decretvm Cleri Lavdvnensis De Henedvlfo Electo Episcopo.

**urn:nbn:de:hbz:466:1-15967**

NOTA IACOBI SIRMONDI  
SOCIETATIS IESV.

<sup>1</sup> Concilium Duziacense II. ] In codice sancti Laurentii Leodien-  
sis, cui Synodum hanc debemus, epistolæ synodicae titulus est hu-  
iusmodi: *Epistola synodica episcoporum plurimarum prouinciarum apud  
Duziacum Rhemensis parochia congregatorum, anno incarnationis do-  
minica DCCCLXXIV. indictione VII. Idibus Junii, ad episcopos prouin-  
ciarum Aquitaniae regionis, de incestis coniunctionibus a quampluribus,  
& maxime carne nobilibus viris, ibidem perpetratis, & de rerum eccle-  
siasticarum peruationibus.* Generale placitum Idibus Iuniis hoc anno  
a Carolo rege in villa Duzia celebratum auctor est Aimoinus lib. v.  
cap. XXXI.

ANNO CHRISTI 874.  
SYNODVS TICINENSIS,  
QVA IMPERIVM CAROLO COLLATVM  
confirmatur anno Domini DCCCLXXVI. tempore  
Ioannis papæ VIII. indictione IX. mense Februariio.

*Hæc Synodus inserta est Concilio Pontigonensi sequenti, ubi con-  
firmata fuit.*

DECRETVM CLERI LAVDVNENSIS  
DE HENEDVLFO ELECTO EPISCOPO.

*Domino reuerentissimo & sanctissimo Hincmaro archiepiscopo, ce-  
terisque nostræ dioceseos sanctis patribus & episcopis, clerus  
Laudunensis, cum totius parociae plebibus, & sibi coniun-  
ctis præsulibus, æternam in Domino Iesu Christo salutem &  
pacem.*

CANONICIS regulis & apostolicis institutionibus sta-  
tutum esse recolimus, vt quoties qualibet ciuitas  
ministerio pontificalis dignitatis caruerit, proprioque pa-  
store vacauerit, cum decreto electionis, singulorum pe-  
tentium manibus roborato, metropolitanum adire ponti-  
ficem debeant, ac de substituendo in loco eius qui decef-  
sit pastore petitione supplici commonere: quatinus & ci-  
uitas sollicitudine pastoralis destituta proprio recuperetur  
pontifice, & qui ordinandus est, gratiosius possit accede-



re: quia cui debet ab omnibus obediri, utique debet & ab omnibus eligi, ne ciuitas non optatum episcopum aut contemnat aut oderit, & fiat minus religiosa quam conuenit, cui non licuit habere quem voluit: hi vero qui ordinaturi sunt, in quem viderint omnium vota propensius concordare, promptius liberiusque illi manus imponere possint. Quapropter cum decreto nostrae electionis manibus singulorum nostrorum roborato, ad paternitatem vestram accedentes, \*Hedenulfum ecclesiae nostrae filium, & in ecclesia nostra suffragantibus stipendiorum meritis ad onus vsque sacerdotale promotum, vita & moribus ac sancta conuersatione idoneum approbatum, quem per licentiam vestram, fauente Christianissimo imperatore Carolo, pari consensu ac concordia deuotione, atque vna-nima voluntate elegimus, per manus vestras ac ceterorum vestrae dioeceseos sanctorum episcoporum consecrari, nobisque & ecclesiae nostrae doctorem atque pontificem institui imploramus, precamur, ac petimus. Eligimus autem eum nobis fore pastorem, quem apostolica formae, qua episcopum ornatum beatus Paulus esse debere demonstrat, congruere, & sacris non obuiare Canonibus, Christi gratia cooperante confidimus. Oramus sanctam paternitatem vestram nunc & semper in Christo bene valere. Actum v. Kalendas Apriles in basilica sanctae Mariae genitricis Dei & Domini nostri Iesu Christi, anno incarnationis eiusdem Domini nostri Iesu Christi DCCCLXXVI. regni domni Caroli imperatoris XXXVI. ac imperii primo, indictione IX.

ANNO  
CHRISTI  
876.\* in  
re  
it.